



Minnguiqhiqvut Kanatami Tuhagakhaligiyinut Uqauhiat – Naunaigut nalvaunianut tamna HMS *Terror*

Minnguiqhiqvut Kanatami Immap Iluani Piqutituqaligiyit Havaqatigit hagimahuktut naunaiqitnianik tamna umiyautauyuq malvaunia talvani Amilguk Kangiqhuani tahamani nigingata-Pingangnani King William Qikiqtaani, Nunavut tamnauyuq HMS *Terror*—tamna aipa umiaqpaup inuuhuiqhimayut 1845 Franklin Aulagiat nalvagahuaq tamna Ukiurtaqtumi Tagiungani Aulagianga.

Taimanga 2008-min, Minnguiqhiqvut Kanatami pivaliatitai amihunut-havalgit katutyiqatit ilaqaqtitlugit ukiurtaqtumi nunaliuyut, tapkuat Kitikmeot Inuit Katutyiqatigit, tapkuat Kavamatkut Nunavut, tapkuat Kanatamiuni Tagiumi Munaqtit, tapkuat Royal Kanatamiuni Tagiumi Anguyaktit, tapkuat Kanatamiuni Imaliqutitnut Kivgaqtit, Avatiligiyit Kanata Hilaplu Ahianguqnit, amihutlu ahii kavamatkut, inmiguqtut maniliuqtiungittutlu katutyiqatit, ilautitlugit tapkuat Ukiurtaqtumi Naunaiyaiyit Tunngaviat. Una katutyiqatigiknia qitqanitmiyuq taphuma nalvaunia tamna HMS *Erebus* 2014-mi mikhaani 100 kilaamitat nigiani Amilguk Kangiqhua.

Minnguiqhiqvut Kanatami Immap Iluani Piqutituqaligiyit Havaqatigit illitugiyumaya tamna atuqpiartuq havaginat Inuit ilihimani, piluaqtumik ilauyut nunaliungani Uqhuqtuuq, nalvauninut tamatikknut HMS *Erebus* tamnalut HMS *Terror*.

Tapkuat Immap Iluani Piqutituqaligiyit Havaqatigit naunaiqtat tamna umiyautauyuq nalvaunia tapkunanga Ukiurtaqtumi Naunaiyaiyit Tunngaviat tamnauyanga HMS *Terror* talvani Saptai 18, 2016. Tamna piqutituqat naunaittiaqnia pihimayut haniant-qinigit nipimun naunaiyaut pingahutlu aglugaqnit umiyautauyumun. Amihunik qullilik nipimun tuhatyut atuqtauyut iniqtiqinik ilagiagutit naunaiyaqnia tamna umiyautauyuq inigiya. Tapkuat Immap Iluani Piqutituqaligiyit Havaqatigit havakvigiyat tamna CCGS *Sir Wilfrid Laurier*, piqatigiplugit naunaiyaiyit havaktit tapkunanga Avatiligiyit Hilaplu Ahianguqnia Kanataup Imaqutaini Imaligiyit Uumatyutitlu Havakviat piqaqtiyut ayuitniliknik aulaninut tapkuat nipimun tuhatyutit.

Tapkuat agluqnit atuqtauyut hilaqititlugu niptaittitlugulu. Tapkuat umiyautauyup iglutagiya ulkipiaqhimalirtuq aqayavaluknit tagiumilu uumayunit. Ilaali taimaitkaluaqtitlugu, tapkuat agluqtit takuyai qaphit hunauyut atuqtauvaktut ayyikkutaittutluniit tapkununga 19^{na} hannait British ukiurtaqtumi aulagiat umiaqpait umiyagutauyuq pihimayut qaphiunit hanatyuhit taihimani ayyikkigutai tamatikni HMS *Erebus* tamnalut HMS *Terror*, ilautitlugit pingahunik napaqtiqaqnit, haviliqtuqhimani hivunngi malgukniklu aquhiqhimayut aqulvia. Piittuq ahinik umiyautauyumik taphuma HMS *Erebus* taimaitunik piliknik tahamani nunaliit avikhimani.

Hutqikni uuma piqpiangunia piqutituqat tuhagakhat naunaiyaqtauqpiqaqninut piqutituqait ilalgit umiaqpait upalungaiyautai tapkuat HMS *Erebus* tamnalut HMS *Terror*, Minnguiqhiqvut Kanatami Immap Iluani Piqutituqaligiyit Havaqatigit naunaittiaqat tamna umiyautauyuq tamnauyanga HMS *Terror*. Tapkuat qinigitai takukhautitat huniumaitpiaqni umiyautauyuq pihimania piqutailu naamaktut atuqhimaninut titiqat taphumunga HMS *Terror*, ilautitlugit: tamna hanahimania hivunngata of the (tamna tualgugiya uigugilguqta umiaqpaup hivunngata); humittanga umiaqpaup aqulvia; tamna ikhugaqvia hanigani; umiyyaplu qangani angmanigiyai (putui hanigani umiaqpaup immap kuvigaqvigilaqta) allauyt taphumangat HMS *Erebus*.

Tuklikhanut, tapkuat Kavamatkut Kanatami uqauhiginiaqta hapuhimanit inigiya piqatigilugit tapkuat Kavamatkut Nunavut tapkuatlu Taihimayut Inuit Timigiyai.